

Karapatan mo ang Pagboto. Protektahan ang Iyong Tining.

ALAMIN ANG IYONG MGA KARAPATAN

Ikaw ba'y may 18-taong gulang? Sitisen ng Amerika? Kung gayon may karapatan kang bumoto. Maging maalam at maging handa upang ika'y makaboto sa araw ng eleksyon. Ito ang siyam na madaling paraan upang ika'y makasiguro na ang boto mo ay mabilang.

1. Magrehistro para bumoto

Karamihan ng huling araw upang magrehistro sa pagboto ay sa buwan ng Oktubre. Alamin mo kung kailan ang huling araw ng pagrehistro sa iyong 'state'.

2. Tiyakin na ikaw ay rehistradong bumoto sa iyong kasalukuyang lugar ng tirahan

Tumawag sa lokal na opisina ng eleksyon para masigurado na walang problema sa iyong rehistro sa pagboto, lalo na kung ikaw ay bagong lipat, nagpalit ng pangalan, o kung hindi ka bumoto sa mga nakaraang eleksyon.

3. Bumoto ng maaga

May batas ang ilang 'state' na pumapayag sa maagang pagboto sa pamamagitan ng pagpunta sa lugar ng botohan at/o sa paghulog ng sulat. Alamin kung maari kang bumoto ng maaga. Ito rin ang iyong pahintulot na maka- volunteer sa Araw ng Eleksyon.

4. Alamin ang iyong tiyak na lugar ng pagboto

Tumawag sa lokal na opisina ng eleksyon para alamin kung saang presinto ka boboto at kung may mga bagong patakaran at mga kailangang ID. Maaaring magbago ang mga presinto at maaaring hindi mabilang ang boto sa maling lugar.

5. Magdala ng wastong I.D.

Alamin kung anong ID ang kailangan para bumoto sa iyong 'state'. Dalhin sa presinto ang iyong ID kung sakaling ito'y kailangan. Mas mabuti kung ang ID ay galing sa gobyerno (tulad ng lisensya o pasaporte) o ang 'bill' sa koryente o telepono, o 'paycheck stub' na nakalagay ang iyong pangalan at tirahan. Maaaring ibang ID and hingiin kung ito ang iyong unang pagkakataong bumoto.

6. Magsama ng isang kaibigan o miyembro ng pamilya

Ayon sa batas 'federal,' maaaring kang magdala ng isang kaibigan upang magpaliwanag o mag-'translate' para sa iyo.

7. Huwag mag-atubili sa paghingi ng bagong balota sakaling ika'y magkamali

Ayon sa batas 'federal,' may karapatan kang humingi ng bagong balota kung sakaling ikaw ay magkamali.

8. Huwag umalis sa presinto hanggang ikaw ay makaboto

Kung naantala ang iyong pagdating at nakapila ka na sa pagsara ng presinto, huwag kang umalis sa pila dahil karapatan mo ang bumoto.

9. Ano ang dapat gawin kung sakaling inalokan ka ng 'provisional ballot'

Maaaring sabihin sa iyo ng tauhan sa presinto na may problema sa iyong rehistro (tulad ng wala ang iyong pangalan sa listahan ng mga botante) at inalokan ka ng 'provisional ballot'. Itanong mo kung ikaw ay nasa tamang presinto. Kung wala ng ibang paraan, bumoto ka na rin sa pamamagitan ng 'provisional ballot'.